

## **Održan sastanak sa Parlamentarnom komisijom odgovornom za reviziju i predstavnicima švedskog Parlamenta**

**Sarajevo, 01.12.2016. godine**

U Sarajevu je, 30.11.2016. godine, održan sastanak na kojem su prisustvovali generalni revizor Ureda za reviziju institucija u FBiH i njegov zamjenik, članovi Parlamentarne komisije odgovorne za reviziju, Sekretar Komisije za finansije i budžet Parlamenta Švedske kao i predstavnik švedskog Parlamenta koji je ujedno i zamjenik predsjedavajućeg Odbora za državnu reviziju te član Komisije za vanjske poslove. Sastanku su prisustvovali i predstavnici USAID-a.

Cilj sastanka je bio da se razmjene iskustva i razmotre načini za poboljšanje saradnje između Ureda za reviziju i Parlamentarne komisije, kao i korištenja revizorskih izvještaja kao korisnog alata za stvaranje jake i funkcionalne demokratije.

Generalni revizor je istaknuo pozitivno iskustvo sa Parlamentarnom komisijom, posebno u dijelu očuvanja finansijske nezavisnosti Ureda za reviziju kroz podršku predloženog budžeta, uzimajući u obzir obim zakonske nadležnosti i očekivanja javnosti i interesnih strana.